

Euskara ofizial izateko eskatu du Deiadar taldeak

*Apirilaren 4an amaituko du egiten ari
den kanpaina, Baionan, festa giroan*



Deiadarreko
ordezkariak, atzo
emandako
prentsaurrekoan.
ANDER GILLENEA

Ipar Euskal Herrian eus-
kara ofiziala izateko,
Hizkuntzaren Kontseilua sor-
tzeko eta Antolakuntza Eske-
maren hizkuntz atala lehen-
bailehen bideratzeko eskatu
du Deiadar taldeak. Kanpai-
nari Baionan emango zaio
amaiera, apirilaren 4an.

Ane Sarasketa / Donostia

IPAR Euskal Herrian euskara ofiziala izateko eskatu du Deiadar taldeak, bere azken kanpainan. Iparraldean euskarak duen egoera larriari irtenbidea bilatzeko garaia dela esan zuten atzo Deiadar taldeko ordezkariak. «Euskara da Euskal Herriko hizkuntza jatorrizkoa. Frantsesak duen estatus juridiko bera izateko eskatzen dugu. Euskarak egoera gutxitutik normalkuntzara jo behar du, eta Herri Hizkuntzen Europako Agiria da horretarako abiapuntua, eta ofizialtasuna helburua», adierazi zuen Xabier Mendigurenek, Gizarte Kontseiluko zuzendariak. Harekin batera hauek mintzatu ziren: Pruden Sodupe, Seaska ikastoletako ordezkaria; Jojo Bidart, Irulegiko Irratiko esataria; Nikolas Regerat, Iparraldeko AEK-ko arduraduna; Aignes Dufaux, Ikas pedagogi zentroko arduraduna; eta Arantza Mariskal, Seaskako gurasoen ordezkaria.

Kanpaina honetan, hiru eskaera nagusi bildu dituzte. *Bete hitza, Euskarari lege geriza!* lelopean: euskararen ofizialtasuna, Antolakuntza Eskemaren hizkuntz atala lehenbailen bideratzea eta Hizkuntzaren Kontseilua sortzea. Apirilaren 4an emango zaio amaiera kanpainari Baionan. Bertan arratsaldeko 16:00etan hasiko den ibilaldia egin eta ondoren erromeria gisako jaialdi bat izango dela azaldu zuten. Era berean, euskararen ofizialtasunaren aldeko eskakizunak sinatzeko zerrendak kale-ratu dituzte.

Orain arteko lorpenak ez direla aski eta arazoa adabakiak jartzen ez dela konpontzen salatu zuen taldeak. Gainera, Frantziako Parlamentuan eztabaidatuko duten lege proiektua eskatu zuen, eta Hizkuntzaren Kontseilua eratzea galdegin, «euskarren beharrak aztertu eta egiazko hizkuntz politika bat finkatzeko balioko baitu».

«Badugu arrazoirik berriz ere deiadarra botatzeko, eta Hegoaldeko Iparraldeko egoeraz duzun axola garrantzitsua da», esan zuen Aignes Dufauxek. X

Etorkizunaz Orainaldian

hitz egiten dugu

industrian

kulturan

ingurugiroan

elkartasunean

azpiegiturretan

Bizkaiak itxaropenez beterik aurre egiten dio etorkizunari. Lurralde osoak ez du ahazten etorkizuneko katearen inongo mailarik. Metroa, Guggenheim, Euskalduna Jauregia, Nerbioi ibaiaren ertzen birgaitzea, Portuaren eta Aireportuaren modernizazioa, itsasadarraren gaineko zubi berriak sinboloak baino zerbait gehiago dira. Gure etorkizun hurbilenaren irudikatze erreala dira. Sua bizi-bizi dago. Bizkaia abian da.

Bizkaiko Foru Aldundia

Diputación Foral de Bizkaia

Bizkaia Aurrera
goaz
Avanzamos con Bizkaia